

Вяра

Събота на пета седмица от Великия пост - Акатистна събота. Похвала на Пресвета Богородица



В субботу на пятой неделе Великого поста святая Церковь торжественно возглашает молебное пение акафиста, или благодарственной похвалы Пресвятой Богородице.

Этот праздник установлен в IX веке за неоднократное избавление Константинополя помощью и заступлением Пресвятой Богородицы от нашествия врагов.

Император Константин Великий, основатель Константинополя, посвятил город Божией Матери и почитал Пресвятую Деву покровительницею своею и своей новой столицы. Многие храмы в честь Божией Матери были воздвигнуты в Константинополе. Во Влахернском храме хранилась Ее икона, написанная святым евангелистом Лукой. В 626 году Константинополь был стеснен от врагов со всех сторон. Тогда совершили крестный ход вокруг осажденного города, взяв притом чудотворную икону Божией Матери Одигитрии. Взята была и величайшая святыня — риза

Пресвятой Богородицы, хранившаяся в знаменитом Влахернском Ее храме. И вот, когда обнесена была риза вокруг города по стенам его и погружена была затем в воды Босфора, то произошло чудо, радостное для греков и поистине страшное для их врагов. Море, пред тем спокойное, закипело, разразилась ужасная буря, и неприятельские корабли были потоплены вздымавшимися волнами. Тогда во всю эту ночь благодарный народ, пребывавший во Влахернском храме, возгласил Защитнице града победную, всенощную и неседальную (акафист – греч. букв. неседальный) песнь: «Взбранной Воеводе победительная, яко избавльшеся от злых, благодарственная восписуем Ти раби Твои, Богородице!» И дважды еще сподобился Константинополь такой дивной милости от Царицы Небесной, дважды еще так же избавлялся чудесным образом от осаждавших его врагов. Потому и установилось нынешнее празднование в память об этих удивительных делах любви Богоматери к христианскому роду. И поется в день праздника похвальное пение Богородице, получившее наименование акафиста, во всех православных церквях, по всей земле. Сначала праздник акафиста совершался в Константинополе в том Влахернском храме, где хранились чудотворная икона Божией Матери и священные предметы земной Ее жизни – риза и пояс Ее. Но позднее праздник был внесен в типиконы (уставы) монастырей святого Саввы Студийского и потом в церковные богослужебные книги, и с того времени сделался общим для всей Восточной Церкви.

Канон молебный ко Пресвятей Богородице в Субботу
Акафиста, глас 2

Песнь 1

Ирмос: Воду прошед яко сушу, и египетскаго зла избежав,

израильтянин вопияше: Избавителю и Богу нашему поим.

Многими содержимь напастьми, к Тебе прибегаю, спасение иский: о Мати Слова и Дево, от тяжких и лютых мя спаси.

Страстей мя смущают прилози, многого уныния исполнити мою душу; умири, Отроковице, тишиною Сына и Бога Твоего, Всенепорочная.

Спаса рождшую Тя и Бога, молю, Дево, избавитися ми лютых: к Тебе бо ныне прибегая, простираю и душу и помышление.

Недугующа телом и душею посещения Божественного и промышления от Тебе сподоби, едина Богомати, яко благая, Благаго же Родительница.

Песнь 3

Ирмос: Небеснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, едина Человеколюбче.

Предстательство и покров жизни моя полагаю Тя, Богородительнице Дево: Ты мя окорми ко пристанищу Твоему, благих виновна, верных утверждение, едина Всепетая.

Молю, Дево, душевное смущение и печали моя бурю разорити: Ты бо, Богоневестная, начальника тишины Христа родила еси, едина Пречистая.

Благодетеля рождши добрых виновнаго, благодеяния богатство всем источи, вся бо можеши, яко сильнаго в крепости Христа рождши, Богоблаженная.

Лютыми недуги и болезненными страстьми истязаему, Дево, Ты ми помози: исцелений бо неоскудное Тя знаю сокровище, Пренепорочная, неизживаемое.

Тропарь, глас 2

Моление теплое и стена неборимая, милости источниче, мирови прибежище, прилежно вопием Ти: Богородице Владычице, предвари и от бед избави нас, едина вскоре предстательствующая.

Песнь 4

Ирмос: Услышах, Господи смотрения Твоего таинство, разумех дела Твоя и прославих Твое Божество.

Страстей моих смущение, кормчию рождшая Господа, и бурю утиши моих прегрешений, Богоневестная.

Милосердия Твоего бездну призывающу подаждь ми, Яже Благосердаго рождшая и Спаса всех, поющих Тя.

Наслаждающесея, Пречистая, Твоих дарований, благодарственное воспеваем пение, ведуще Тя Богоматерь.

На одре болезни моя и немощи низлежащу ми, яко благолюбива, помози, Богородице, едина Приснодево.

Надежду и утверждение и спасения стену недвижиму имуще Тя, Всепетая, неудобства всякаго избавляемся.

Песнь 5

Ирмос: Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

Исполни, Чистая, веселия сердце мое, Твою нетленную даючи радость, веселия рождшая виновнаго.

Избави нас от бед, Богородице Чистая, вечное рождши избавление и мир, всяк ум преимуществий.

Разрешити мглу прегрешений моих, Богоневесто,

просвещением Твоея светлости, Свет рождающая Божественный и преевечный.

Исцели, Чистая, души моя немощение, посещения Твоего сподобляющая, и здравие молитвами Твоими подаждь ми.

Песнь 6

Ирмос: Молитву пролию ко Господу и Тому возведу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведи мя.

Смерти и тли яко спасл еси, Сам Ся издав смерти, тлением и смертию мое естество яже бывшее, Дево, моли Господа и Сына Твоего, врагов злодействия моя избавити.

Предстательницу Тя живота веи и хранительницу тверду, Дево, и напастей решающую молвы, и налоги бесов отгоняющую и молюся всегда, от тли страстей моих избавити мя.

Яко стену прибежища стяжахом, и душ всесовершенное спасение, и пространство в скорбех, Отроковице, и просвещением Твоим присно радуемся; о Владычице, и ныне нас от страстей и бед спаси.

На одре ныне немоществуя лежу, и несть исцеления плоти моей; но, Бога и Спаса миру и Избавителя недугов рождающая, Тебе молюся, Благой: от тли недуг возстави мя.

Кондак, глас 6

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Тя: ускори на молитву и потщися на умоление, предстательствующи присно, Богородице, чтущих Тя.

Ин кондак, глас 6

Не имамы иныя помощи, не имамы иныя надежды, разве Тебе, Владычице, ты нам помози; на Тебе надеемся и Тобою хвалимся, Твои бо есмы раби, да не постыдимся.

Стихира, глас 6

Не ввери мя человеческому предстательству, Пресвятая Владычице, но прими моление раба Твоего: скорбь бо обдержит мя, терпети не могу демонскаго стреляния, покрова не имам, ниже где прибегну окаянный, всегда побеждаемь и утешения не имам, разве Тебе, Владычице мира, упование и предстательство верных, не презри моление мое, полезно сотвори.

Песнь 7

Ирмос: От Иудеи дошедше отроцы, в Вавилоне иногда верою Троическою пламень пещный попраша, поюще: отцев Боже, благословен еси.

Наше спасение якоже восхотел еси, Спасе, устроить, во утробу Девыя вселился еси, Юже миру предстательницу показал еси: отец наших Боже, благословен еси.

Волителя милости, Егоже родила еси, Мати Чистая, умоли избавитися от прегрешений и душевных скверн верою зовущим: отец наших Боже, благословен еси.

Сокровище спасения и источник нетления Тя рождшую, и столп утверждения, и дверь покаяния зовущим показал еси: отец наших Боже, благословен еси.

Телесныя слабости и душевныя недуги, Богородительнице, любовь приступающих к крову Твоему, Дево, исцелити сподоби, Спаса Христа нам рождшая.

Песнь 8

Ирмос: Царя Небеснаго, Егоже поют вои ангельстии, хвалите и превозносите во вся веки.

Помощи яже от Тебе требующия не презри, Дево, поющия и превозносящия Тя во веки.

Неможение души моя исцеляеши и телесныя болезни, Дево, да Тя прославлю, Чистая, во веки.

Исцелений богатство изливаеши верно поющим Тя, Дево, и превозносящим неизреченное Твое рождество.

Напастей Ты прилоги отгоняеши и страстей находы, Дево: темже Тя поем во вся веки.

Песнь 9

Ирмос: Воистину Богородицу Тя исповедуем, спасеннии Тобою, Дево Чистая, с безплотными лики Тя величающе.

Тока слез моих не отвратися, Яже от всякаго лица всяку слезу отъемшаго, Дево, Христа рождшая.

Радости мое сердце исполни, Дево, Яже радости приемшая исполнение, греховную печаль потребляющи.

Пристанище и предстательство к Тебе прибегающих буди, Дево, и стена нерушимая, прибежище же и покров, и веселие.

Света Твоего зарями просвети, Дево, мрак неведения отгоняющи, благоверно Богородицу Тя исповедающих.

На месте озлобления немощи смирившагося, Дево, исцели, из нездравия во здравие претворяющи.

Стихиры, глас 2

Высшую небес и чистшую светлостей солнечных, избавльшую нас от клятвы Владычицу мира песнями почтим.

От многих моих грехов немощствует тело, немощствует и душа моя; к Тебе прибегаю, Благодатней, надеждо ненадежных, Ты ми помози.

Владычице и Мати Избавителя, приими моление недостойных раб Твоих, да ходатайствуеши к Рождшемуся от Тебе; о Владычице мира, буди Ходатаица!

Поем прилежно Тебе песнь ныне, Всепетой Богородице, радостно: со Предтечею и всеми святыми моли, Богородице, еже ущедрити ны.

Вся Ангелов воинства, Предтече Господень, апостолов двенадцатице, святии вси с Богородицею, сотворите молитву, во еже спастися нам.

Молитва первая

Царице моя преблагая, надеждо моя Богородице, приятелище сирых и странных предстательнице, скорбящих радости, обидимых покровительнице! Зриши мою беду, зриши мою скорбь, помози ми, яко немощну, окорми мя, яко странна. Обиду мою веси, разреши ту, яко волиши: яко не имам инья помощи, разве Тебе, ни инья предстательницы, ни благия утешительницы, токмо Тебе, о Богомати, яко да сохраниши мя и покрыеши во веки веков. Аминь.

Молитва вторая

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и воздыхание мое примет, аще не Ты, Пренепорочная, надеждо христиан и прибежище нам грешным? Кто паче Тебе в напастех защитит? Услыши убо стенание мое и приклони ухо Твое ко мне, Владычице Мати Бога моего, и не презри мене, требующаго Твоея помощи, и не отрини мене грешнаго. Вразуми и научи мя, Царице Небесная; не отступи от мене,

раба Твоего, Владычице, за роптание мое, но буди мне Мати и заступница. Вручаю себе милостивому покрову Твоему: приведи мя грешнаго к тихой и безмятежней жизни, да плачуся о гресех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окриляемъ? О, Владычице Царице Небесная! Ты мне упование и прибежище, покров и заступление и помощь. Царице моя преблагая и скорая заступнице! Покрый Твоим ходатайством моя прегрешения, защити мене от враг видимых и невидимых; умягчи сердца злых человек, возстающих на мя. О, Мати Господа моего Творца! Ты еси корень девства и неувядаемый цвет чистоты. О, Богородительнице! Ты подаждь ми помощь, немощствующему плотскими страстьми и болезнующему сердцем, едино бо Твое и с Тобою Твоего Сына и Бога нашего имам заступление; и Твоим пречудным заступлением да избавлюся от всякия беды и напасти, о пренепорочная и преславная Божия Мати Марие. Темже со упованием глаголю и вопию: радуйся, благодатная, радуйся, обрадованная; радуйся, преблагословенная, Господь с Тобою.

Акафист Пресвятой Богородице. Похвала Пресвятой Богородицы.

Кондак 1

Взбранной Воеводе победительная, яко избавльшеся от злых, благодарственная восписуем Те раби Твои, Богородице; но, яко имущая державу непобедимую, от всяких нас бед свободи, да зовем Ти:

Радуйся, Невесто Неневестная.

Икос 1

Ангел предстатель с Небесе послан бысть рещи Богородице:
радуйся, и со безплотным гласом, воплощаема Тя зря,
Господи, ужасашеся и стояше, зовый к Ней таковая:

Радуйся, Еюже радость возсияет; радуйся, Еюже клятва
изчезнет.

Радуйся, падшаго Адама воззвание; радуйся, слез Евиных
избавление.

Радуйся, высоту неудобовосходимая человеческими
помыслы; радуйся, глубину неудобозримая и ангельскими
очима.

Радуйся, яко еси Царево седалище; радуйся, яко носиши
Носящаго вся.

Радуйся, Звездо, являющая Солнце; радуйся, утробо
Божественнаго воплощения.

Радуйся, Еюже обновляется тварь; радуйся, Еюже
поклоняемся Творцу.

Радуйся, Невесто Невестная.

Кондак 2

Ведящи Святая Себе в чистоте, глаголет Гавриилу дерзостно: преславное твоего гласа неудобоприятельно души Моей является; безсеменного бо зачатия рождество како глаголеши, зовый: Аллилуиа.

Икос 2

Разум недоразумеваемый разумети Дева ищущи, возопи к служащему: из боку чисту, Сыну како есть родиться мощно, рцы Ми? К Нейже он рече со страхом, обаче зовый сеце:

Радуйся, совета неизреченного Таиннице; радуйся, молчания просящих веро.

Радуйся, чудес Христовых начало; радуйся, велений Его главизно.

Радуйся, лестнице небесная, Еюже сниде Бог; радуйся, мосте, преводяй сущих от земли на Небо.

Радуйся, Ангелов многословущее чудо; радуйся, бесов многоплачевное поражение.

Радуйся, Свет неизреченно родившая; радуйся, еже како, ни единого же научившая.

Радуйся, премудрых превосходящая разум; радуйся, верных озаряющая смыслы.

Радуйся, Невесто Невестная.

Кондак 3

Сила Вышняго осени тогда к зачатию Браконеискусную, и благоплодная Тоя ложесна, яко село показа сладкое, всем хотящим жати спасение, внегда пети сице: Аллилуиа.

Икос 3

Имущи Богоприятную Дева утробу, востече ко Елисавети; младенец же оная абие познав Сея целование, радовашеся, и играньми, яко песньми, вопияше к Богородице:

Радуйся, Отрасти неувядаемая розго; радуйся, Плода бессмертнаго стяжание.

Радуйся, Делателя делающая, Человеколюбца; радуйся, Садителя жизни нашея рождшая.

Радуйся, ниво, растящая гобзование щедрот; радуйся, трапезо, носящая обилие очищения.

Радуйся, яко рай пищный процветаеши; радуйся, яко пристанище душам готовиши.

Радуйся, приятное молитвы кадило; радуйся, всего мира очищение.

Радуйся, Божие к смертным благоволение; радуйся, смертных к Богу дерзновение.

Радуйся, Невесто Невестная.

Кондак 4

Бурю внутрь имея помышлений сумнительных, целомудренный Иосиф смятется, к Тебе зря небрачной, и бракоокрадованную помышляя, Непорочная; уведев же Твое зачатие от Духа Свята, рече: Аллилуиа.

Икос 4

Слышаша пастырие Ангелов, поющих плотское Христово пришествие, и, текше яко к Пастырю, видят Сего, яко агнца непорочна, во чреве Мариине упасшася, Юже поюще реша:

Радуйся, Агнца и Пастыря Мати; радуйся, дворе словесных овец.

Радуйся, невидимых врагов мучение; радуйся, райских дверей отвержение.

Радуйся, яко небесная срадуются земным; радуйся, яко земная сликовствуют небесным.

Радуйся, апостолов немолчная уста; радуйся, страстотерпцев

непобедимая дерзосте.

Радуйся, твердое веры утверждение; радуйся, светлое благодати познание.

Радуйся, Еюже обнажися ад; радуйся, Еюже облекохомся славою.

Радуйся, Невесто Неневестная.

Кондак 5

Боготечную звезду узревше волсви, тоя последоваша зари, и яко светильник держаще ю, тою испытаху крепкаго Царя, и достигше Непостижимаго, возрадовашася, Ему вопиюще: Аллилуиа.

Икос 5

Видеша отроцы халдейстии на руку Девичу Создавшаго руками человеки, и Владыку понимающе Его, аще и рабий прият зрак, потщашася дарми послужити Ему и возопити Благословенней:

Радуйся, Звезды незаходимыя Мати; радуйся, заре таинственного Дне.

Радуйся, прелести пещь угасившая; радуйся, Троицы таинники просвещающая.

Радуйся, мучителя безчеловечного изметающая от начальства; радуйся, Господа Человеколюбца показавшая Христа.

Радуйся, варварского избавляющая служения; радуйся, тимения изымающая дел.

Радуйся, огня поклонение угасившая; радуйся, пламене страстей изменяющая.

Радуйся, верных наставнице целомудрия; радуйся, всех родов веселие.

Радуйся, Невесто Невестная.

Кондак 6

Проповедницы богоноснии бывше волсви, возвратишася в Вавилон, скончавше Твое пророчество и проповедавше Тя Христа всем, оставиша Ирода, яко буесловна, не ведуща пети: Аллилуиа.

Икос 6

Возсиявый во Египте просвещение истины, отгнал еси лжи тьму; идоли бо его, Спасе, не терпяще Твоея крепости, падоша, сих же избавльшися вопияху к Богородице:

Радуйся, исправление человеков; радуйся, низпадение бесов.

Радуйся, прелести державу поправшая; радуйся, идольскую лесть обличившая.

Радуйся, море, потопившее фараона мысленного; радуйся, камению, напоивший жаждущия жизни.

Радуйся, огненный столпе, наставляяй сущия во тьме; радуйся, покрове миру, шерший облака.

Радуйся, пище, манны приемнице; радуйся, сладости святыя служительнице.

Радуйся, земле обетования; радуйся, из неяже течет мед и млеко.

Радуйся, Невесто Неневестная.

Кондак 7

Хотящу Симеону от нынешняго века преставитися прелестнаго, вдался еси яко младенец тому, но познался еси ему и Бог совершенный. Темже удивися Твоей неизреченней премудрости, зовый: Аллилуиа.

Икос 7

Новую показа тварь, явлься Зиждитель нам, от Него бывшим,
из безсеменныя прозяб утробы и сохранив Ю, якоже бе,
нетленну, да чудо ведяще, воспоим Ю, вопиюще:

Радуйся, цвете нетления; радуйся, венче воздержания.

Радуйся, воскресения образ облистающая; радуйся,
ангельское житие являющая.

Радуйся, древо светлоплодовитое, от негоже питаются
вернии; радуйся, древо благосеннолиственное, имже
покрываются мнози.

Радуйся, во чреве носящая Избавителя плененным; радуйся,
рождшая Наставника заблуждшим.

Радуйся, Судии праведнаго умоление; радуйся, многих
согрешений прощение.

Радуйся, одеждо нагих дерзновения; радуйся, любы, всякое
желание побеждающая.

Радуйся, Невесто Невестная.

Кондак 8

Странное рождество видевше, устранимся мира, ум на
Небеса преложше: сего бо ради высокий Бог на земли явися

смиранный человек, хотяй привлеци к высоте Тому вопиющия:
Аллилуиа.

Икос 8

Весь бе в нижних и вышних никакоже отступи неописанное
Слово: снизхождение бо Божественное, не прехождение же
местное бысть, и рождество от Девы Богоприятныя, слышания
сия:

Радуйся, Бога невместимаго вместилище; радуйся, честнаго
таинства двери.

Радуйся, неверных сумнительное слышание; радуйся, верных
известная похвало.

Радуйся, колеснице пресвятая Суцаго на Херувимех;
радуйся, селение преславное Суцаго на Серафимех.

Радуйся, противная в тожде собравшая; радуйся, девство и
рождество сочетавшая.

Радуйся, Еюже разрешился преступление; радуйся, Еюже
отверзся рай.

Радуйся, ключу Царствия Христова; радуйся, надеждо благ
вечных.

Радуйся, Невесто Невестная.

Кондак 9

Всякое естество ангельское удивися великому Твоего вочеловечения делу: неприступнаго бо, яко Бога, зряще всем приступнаго Человека, нам убо спребывающа, слышаща же от всех: Аллилуиа.

Икос 9

Вития многовещанная, яко рыбы, безгласныя видим о Тебе, Богородице: недоумевают бо глаголати, еже како и Дева пребываеши, и родити возмогла еси. Мы же, таинству дивящися, верно вопием:

Радуйся, премудрости Божия приятелище; радуйся, промышленности Его сокровище.

Радуйся, любомудрыя немудрыя являющая; радуйся, хитрословесныя безсловесныя обличающая.

Радуйся, яко обуяша лютии взыскателе; радуйся, яко увядоша баснотворцы.

Радуйся, афинеяская плетения растерзающая; радуйся, рыбарския мрежи исполняющая.

Радуйся, из глубины неведения извлекающая; радуйся,

многи в разуме просвещающая.

Радуйся, кораблю хотящих спастися; радуйся, пристанище житейских плаваний.

Радуйся, Невесто Неневестная.

Кондак 10

Спасти хотя мир, Иже всех Украситель, к сему самообетован прииде, и Пастырь сый, яко Бог, нас ради явися по нам человек: подобным бо подобное призвав, яко Бог слышит: Аллилуиа.

Икос 10

Стена еси девам, Богородице Дево, и всем, к Тебе прибегающим: ибо Небесе и земли Творец устрои Тя, Пречистая, вселься во утробе Твоей, и вся приглашати Тебе научи:

Радуйся, столпе девства; радуйся, дверь спасения.

Радуйся, начальнице мысленнаго наздания; радуйся, подательнице Божественныя благодати.

Радуйся, Ты бо обновила еси зачатая студно; радуйся, Ты бо наказала еси окраденныя умом.

Радуйся, тлителя смыслов упраждняющая; радуйся, Сеятеля чистоты рождшая.

Радуйся, Чертоже безсеменного уневещения; радуйся, верных Господеви сочетавшая.

Радуйся, добрая младопитательнице девам; радуйся, невестокрасительнице душ святых.

Радуйся, Невесто Неневестная.

Кондак 11

Пение всякое побеждается, спростретися тщасееся ко множеству многих щедрот Твоих: равночисленные бо песка песни аще приносим Ти, Царю Святой, ничтоже совершаем достойно, яже дал еси нам, Тебе вопиющим: Аллилуиа.

Икос 11

Светоприемную свещу, сущим во тьме явльшуюся, зрим Святую Деву, невещественный бо вжигающий Огонь, наставляет к разуму Божественному вся, зарею ум просвещающая, званием же почитаемая сими:

Радуйся, луче умного Солнца; радуйся, светило незаходимаго Света.

Радуйся, молние, души просвещающая; радуйся, яко гром

враги устрашающая.

Радуйся, яко многосветлое возсияваеши просвещение;
радуйся, яко многотекущую источаеши реку.

Радуйся, купели живописующая образ; радуйся, греховную
отъемлющая скверну.

Радуйся, бане, омывающая совесть; радуйся, чаше,
черплющая радость.

Радуйся, обоняние Христова благоухания; радуйся, животе
тайнаго веселия.

Радуйся, Невесто Неневестная.

Кондак 12

Благодать дати восхотев долгов древних, всех долгов
Решитель человеком, прииде Собою ко отшедшим Того
благодати и, раздрав рукописание, слышит от всех сеце:
Аллилуиа.

Икос 12

Поюще Твое Рождество, хвалим Тя вси, яко одушевленный
храм, Богородице: во Твоей бо вселился утробе содержи вся
рукою Господь, освяти, прослави и научи вопити Тебе всех:

Радуйся, селение Бога и Слова; радуйся, святая святых
большая.

Радуйся, ковчеже, позлащенный Духом; радуйся, сокровище
живота неистощимое.

Радуйся, честный венче царей благочестивых; радуйся,
честная похвало иереев благоговейных.

Радуйся, Церкви непоколебимый столпе; радуйся, Царствия
нерушимая стено.

Радуйся, Еюже воздвигнутся победы; радуйся, Еюже
низпадают врази.

Радуйся, тела моего врачевание; радуйся, души моя
спасение.

Радуйся, Невесто Невестная.

Кондак 13

О Всепетая Мати, рождающая всех святых Святейшее Слово!
Нынешнее приемши приношение, от всякия избави напасти
всех и будущия изми муки о Тебе вопиющих: Аллилуиа.

Этот кондак читается трижды, затем 1-й икос «Ангел
предстатель...» и 1-й кондак «Взбранной Водеводе...».

Молитва

О, Пресвятая Госпоже Владычице Богородице, выши еси всех Ангел и Архангел и всея твари честнейши, Помощнице еси обидимых, ненадеющихся надеяние, убогих Заступнице, печальных утешение, алчущих Кормительнице, нагих одеяние, больных исцеление, грешных спасение, христиан всех поможение и заступление. О, Всемиловитая Госпоже, Дево Богородице Владычице, милостию Твоею спаси и помилуй святейшия патриархи православныя, преосвященныя митрополиты, архиепископы и епископы и весь священнический и иноческий чин, и вся православныя христиане ризою Твоею честною защити; и умоли, Госпоже, из Тебе без семени воплотившагося Христа Бога нашего, да препояшет нас силою Своею свыше на невидимыя и видимыя враги наша. О, Всемиловитая Госпоже Владычице Богородице! Воздвигни нас из глубины греховныя и избави нас от глада, губительства, от труса и потопа, от огня и меча, от нахождения иноплемennых и междоусобныя брани, и от напрасныя смерти, и от нападения вражия, и от тлетворных ветр, и от смертоносных язвы, и от всякаго зла. Подаждь, Госпоже, мир и здравие рабом Твоим, всем православным христианом, и просвети им ум и очи сердечныя, еже ко спасению; и сподоби ны, грешныя рабы Твоя, Царствия Сына Твоего, Христа Бога нашего, яко держава Его благословена и препрославлена, со Безначальным Его Отцем и с Пресвятым, и Благим, и Животворящим Его Духом, ныне и присно, и во веки веков. Аминь.

МОЛИТВЫ

Тропарь Субботы Акафиста

глас 8

Повелѣнное тайно приѣм в разумѣ,/ в кровѣ Иосифовѣ
тщанием предстá Безплотный, глаголя Неискусобращней:/
приклонивый схождением Небесá вмещáется неизменно весь в
Тя,/ Егóже и видя в ложеснах Твоих приемша рабий зрак,/
ужасаюся звáти Тебѣ:// радуйся, Невѣсто Невѣстная.

Перевод: Повеление таинственное постигнув разумом, под
кровом Иосифа поспешно предстал бесплотный, возглашая Не
Знавшей брака: «Склонивший Своим сошествием небеса, не
изменяясь, весь вмещается в Тебя. И видя Его в Твоих недрах
принявшим образ раба, я в изумлении взываю Тебе: Радуйся,
Невеста, брака не познавшая!»

Кондак Субботы Акафиста

глас 8

Взбранной Воеводе победительная, яко избавльшеся от злых,
благодарственная восписуем Ти раби Твои, Богородице; но яко
имущая держáву непобедимую, от всяких нас бед свободи, да
зовем Ти: радуйся, Невѣсто Невѣстная.

Перевод: Обороняющей нас Военачальнице за избавление от
страшных бед учреждаем Тебе торжества победы
благодарственные мы, рабы Твои, Богородица! Но Ты, как
имеющая власть необоримую, от всяческих опасностей нас
освободи, да взываем к Тебе: «Радуйся, Невеста, брака не

познавшая!»

КАНОН ПРЕСВЯТОЙ БОГОРОДИЦЕ В СУББОТУ АКАФИСТА

глас 1

Творение святого Феодора Студита

егоже краегранесие:

Владычице, преклонися к проше́нием Феодора

Песнь 1

Ирмос: Песнь победную поим вси Богу, сотворшему дивная чудеса мýщицею высокою и спасшему Изра́иля, я́ко просла́вился.

Грешник к Богородице:

Приятелище Естества невместимаго, Христа умоли, да огня несветима изба́вит мя, Чистая, и общника пока́жет Царствия Его́.

Богородица ко Христу:

Мое приими моление, Сыне и Сло́ве, и мýки свободи вопи́юща раба́ Твоего́ ко Мне из глубины́ души́, и сподо́би Царствия Твоего́.

Христос к Богородице:

Ты, Мати, милости Мя источник веси, ибо на всякий час Ми Владыце согрешающих беззаконных милую, но сей zelo Мене стыдными преогорчевает злобами.

Богородица ко грешнику:

Многими прегрешении и безместии стыдными преогорчил еси Сына Моего, отонудуже ти на негодование ныне подвижися и на гнев благоутробию Его.

Песнь 3

Ирмос: Прежде век от Отца рожденному нетленно Сыну, и в последняя от Девы воплощенному безсеменно Христу Богу возопийм: вознесый рог наш, Свят еси, Господи.

Грешник к Богородице:

Все житие мое воистинну в злых иждих и сего ради Ти вопию: Сына Твоего моли, Чистая, да яко блуднаго воззовет и спасет мя ныне, лежаща в согрешениях.

Богородица ко Христу:

Милостив буди, Всецарю, рождйся неизреченно из утробы Моея, и ущедри раба Твоего, якоже блуднаго древле сына, и

покажи́, Всеблáже, десна́го Ти предстоя́теля в день Суда́.

Христос к Богородице:

Смы́сленне, о Ма́ти, вопи́ю Ти и Аз послу́шати Мя: и́же во блудéх поживы́й, в тёплое пока́яние пришéд, «Согрешíх!» вопия́ше. Но сей, áще и вопиéт Ти раскáявыйся, в послéдних лжет.

Богородица ко грешнику:

Яже Ми речé, глаго́лах Сы́ну Моему́, вопию́щи, дабы́ сподóбил тя Цáрствия, но Той Ми противуречé: «Тéплою véрою не при́йде ко Мне, и сего́ ради отсыла́ю его́ от лица́ Моего́».

Песнь 4

Ирмос: Ду́хом провída, прорóче Авваку́ме, Словесé воплощё́ние, проповéдал еси́, вопия́: «Внегда́ прибли́житься лéтом, позна́ешися, внегда́ приити́ врéмени, пока́жешися: сла́ва си́ле Твое́й, Го́споди».

Грешник к Богородице:

Помы́слив, о Дéво, си́лу Твою́, со стра́хом вопи́ю Ти, еди́ней Благо́й: áще и пока́яния тёпла не й́мам отню́д, но Твои́ми ко Влады́це мольба́ми даждь ми совершённое исправлéние.

Богородица ко Христу:

Услыши́ Иже естество́м Человеколю́бец Бог Ма́терь Твою́,
вопию́щу приле́жно, и Твоего́ раба́ изба́ви осужде́ния. Аще же
и ве́ру не стяжа́ соверше́нну, сию́ я́ко Бог ему́ да́руй.

Христос к Богородице:

Подложéние[1], о Ма́ти, ему́ всякое́ е́же спастися дах, но сей
не оставя́ет грехи́ и вни́де в смерть. Те́мже не мо́жет спасе́н
бы́ти, до́ндеже во огонь оты́дет.

Богородица ко грешнику:

Се ны́не зна́ю вину́ тебе́ сама́го поги́бели, я́ко глаго́лет
Божéственный Сын Мой, и́бо слежи́ши отню́д греху́ и преда́лся
еси́ ле́ности коне́чне: кто возста́вит тя лежа́ща?

Песнь 5

Ирмос: Бог сый ми́ра, Оте́ц щедро́т, Вели́каго Совета́ Твоего́
Ангела, мир подава́юща послал еси́ нам. Тем богоразу́мия к
свѣту наста́вльшеса, от но́щи у́тренююще, славосло́вим Тя,
Человеколю́бче.

Грешник к Богородице:

Путьми́ покая́ния, Де́во, жела́ю ходи́ти вы́ну, к животу́

ведущими нескончаему, но а́бие лю́тая дэмонов со́нмища
привлача́ют вве́ргнуться во глубинú греха́, и па́губы в кал
ти́нный.

Богородица ко Христу:

Умертви́вый смерть, Спа́се, пе́рвее Ада́ма от уз свободи́л еси́.
Те́мже и ны́не раба́ Твоего́, Сы́не Мой, молю́ Ти ся,
клеветнико́в исхити́ дэмонов: ти́и бо николи́же оставля́ют
раска́яться кому́.

Христос к Богородице:

Всепе́тая Ма́ти, вопи́ю Ти и Аз: моли́твою и постом изы́дут из
него́ дэмонов лука́вая мно́жества. Но сей те́ло воздержанием и
молéнием не очи́стивый, дэмоном, увы́, бысть верте́п.

Богородица ко грешнику:

Глаго́лы пе́рвее Сы́на Моего́ до́бре внуши́ и увéждь
потре́бная. Егда́ бо не возмого́ша ученицы́ Его́ ду́ха изгна́ти,
возопи́ к ним, глаго́ля: «Моли́твою и постом род бесо́вск
изгоня́ется».

Песнь 6

Ирмос: Проро́ка Ио́ну подража́я, вопи́ю: живо́т мой, Бла́же,
свободи́ из тли и спаси́ мя, Спа́се ми́ра, зову́ща: сла́ва Тебе́.

Грешник к Богородице:

Глаголов не íмам и добродéтельницами скúден есмь, не терплю бо моли́тву и пост соверша́ти, Богоневéсто; сего́ ра́ди к Тебе́ прибего́х.

Богородица ко Христу:

Вонми́, благоутро́бне Сы́не, Ма́тери Твое́й, молю́ Ти ся: íже ко Мне прибега́яй де́лы благими́ скúден и вопиёт: «Не íмам ра́зве Тебе́ наде́жды, Влады́чице».

Христос к Богородице:

Моля́щи тёпле, престáни, Ма́ти, е́же глаго́лати, занé сей, упова́я, я́ко благоутро́бен есмь, скверни́тся, не взира́я на гнев Мой.

Богородица ко грешнику:

Умоля́ю за тя Сы́на и Бо́га Моего́, да очище́ние улучи́ши, но Той престáти ми вопиёт и не молíti во е́же спасты́ся ти.

Седален, глас первый. Подобен: Гроб Твой, Спасе:

Рай на землі Тя насадів Христос Саодделатель райа перваго, посереді Тебе, Владычице, яко животá древо насаді. Егóже моли сладоности райския сподобити мя и на водах воспитати сладкаго упокоения.

Песнь 7

Ирмос: Отроцы благочестию совоспитани, злочестиваго веления небрегше, огненнаго прещения не убояшася, но посреди пламене стояще, пояху: «Отцев Бóже, благословен еси».

Грешник к Богородице:

Все упование мое на Тя возлагаю, Владычице, да не отринеши мене в глубину пагубы окаяннаго, но обратися паки к Сыну Твоему вопиючи, да не погубит создание руку Егó.

Богородица ко Христу:

Неизмерну яко имый благоутробия пучину, Владыко, прими Мя паки, молю Тя, единаго Благоуветливаго, и ущедри Твоею руку создание, ущедривый иногда хананею.

Христос к Богородице:

Милую и спасаю желанием многим приходяща, зане николиже хочу Моё погубити создание, во еже спасти бо его родихся весь от Тебе; но сей далече от дел Моих есть.

Богородица ко грешнику:

Премудрость Вышняго прежде Сый, Сын Мой бысть Человек
весь от Мене, да спасёт хранящая с верою теплою
Божественное крещение; но ты сих непричастен явился еси.

Песнь 8

Ирмос: Егже ужасаются ангели и вся воинства, яко Творца
и Господа, пойте священницы, прославите отроцы,
благословите людие, и превозносите во вся веки.

Грешник к Богородице:

Дерзнув, приидох к Тебе, Дево, зря Сына Твоего блудницу
спасша и разбойника, тии же законне ни единого дела блага в
житий сотвориша, но улучиша прощения.

Богородица ко Христу:

С вышних призри, услыши Матерь Твою молящу Ти ся, и
избави огня раба сего, якоже блудницу पहले и яко избавил
еси разбойника на Кресте Твоем.

Христос к Богородице:

Древле висий разбойник на кресте верою вопияше: «Помяни

мя!», блудница же паки слез изливаше токи, но сей тем не уподобися.

Богородица ко грешнику:

Слезящу спасл есть блудницу Христос, такожде уверовавша разбойника на кресте; аще убо хочещи доселе спасения улучшить, притецы ко Господу со слезами и верою.

Песнь 9

Ирмос: Светносный облак, воньже всех Владыка, яко дождь с небес на руно, сниде и воплотися нас ради, быв Человек, Безначальный, величаем вси яко Матерь Бога нашего Чистую.

Грешник к Богородице:

Явixся всех человек грешнейший, Дево, и сего ради к Сыну Твоему приступити стыждуся, но умоли Его и милостива сотвори еже прияти мя теплою верою и желанием приходяща к Немю.

Богородица ко Христу:

Избави мучения, Слове, пришедша к Тебе раба и не помяни беззаконий его, молю Ти ся: аще бо и согреши, Спасе, но ко Мне прибеже, и Мене ради сего прими, всем прошения исполняяй.

Христос к Богородице:

Несть досто́ин, о Ма́ти, к Тебе́ прибегну́вый ми́лости: от челове́к бо Мя ни еди́н я́ко той прогневля́ет. Но моле́нии Твои́ми честны́ми му́ки тогó неприча́стна на Суде́ сотворю́, а́ще принесёт покая́ния Мне плоды́.

Богородица ко грешнику:

Ни́же а́да бы́вый, возведён еси́ на высоту́ к Божество́нному Моему́ Сы́ну моле́ньми, и внемли́, да не в пре́жняя твоя́ лю́тая впадёши согреше́ния. Но отыди́ на пу́ти покая́ния, да не ка́ко в ге́енну па́ки вве́ржен бу́деши.

Стихиры, глас первый: Подобны: Небесных чинов:

Ра́дость ми́ра еси́, грешных приста́нище, обурева́емых Изба́вительница, Богоро́дице Де́во. Приими́ у́бо, вопию́ Ти, и мою́ мольбу́ и моле́ние, Нескве́рная, ю́же и принеси́ вско́ре Твоему́ Сы́ну, да спасёт мя блу́днаго.

Ра́дости вина́ Мне вся́кия, Сы́не любезнейший, прощё́ние согреше́ний да́руй рабу́ Твоему́, да разумёют вси дерзнове́ние, е́же к Тебе́ я́ко Ма́ти ве́лие има́м, Христэ́ Мой, моли́ти Тя па́че всех святы́х Твои́х.

Ра́дости приятелище, о Ма́ти! Твоею́ мольбо́ю прекло́нсья,

оставлѣние согрешѣний неблагодѣрному сему дарую, и остави
ѣже взывати. Но рцы ему, да престанет согрешати и ко гнѣву
вещи Мя, зане естеством благоутробен есмь.

Се оставлѣние имаши согрешѣний твоих Моиими мольбами, и
внемли прочее житие богоугодно совершити, яко да сладости в
рай со всеми избранными вкусиши благославныя, ниже
престатия всяко[2] имущия.